

8. STELIS PULCHELLA. Tab. XC.

S. spicis geminis, folio oblongo-lanceolato, obtuso, coriaceo duplo longioribus; floribus secundis, nutantibus; foliolis calycinis exterioribus oblongis, apice angustatis, trinerviis; superiore ceteris duplo latiore.

Crescit sub cælo temperato Regni Quitensis in convalle amœna Ichubambæ juxta Chillo, villam Marchionis de Silvalegre, alt. 1370 hex. ¶ Floret Februario.

PLANTA parasitica. RADICES simplices, crassiusculæ, teretes, glabræ, albidæ. BULBUS ovata-oblongus, vaginis marcidis vestitus. CAULES subtripollicares, glabri, vaginis tecti, apice monophylli. FOLIUM oblongo-lanceolatum, obtusum, basi angustatum, planum, coriaceum, enervium, glabrum, quadripollicare, novem aut decem lineas latum. SPICÆ terminales, geminæ, strictæ, quadri- aut septempollicares, basi spatha involutæ. FLORES (*fig. 1.*) pedicellati, secundi, nutantes, spathella laxa, acuta, diaphana, glabra suffulti, magnitudine fere præcedentis. CALYX flavescens?, exsiccatus fuscescens, glaber, campanulato-patulus; foliola tria exteriora oblonga, apice angustata, concava, trinervia; superius ceteris duplo latius; foliola interiora lateralia oblongo-lineararia, obtusa, uninervia, exterioribus duplo breviora; label- lum (*fig. 2. labellum adjecto gynostemo.*) ovatum, obsolete trilobum, cucullatum, apice reflexum, unguiculatum. OVARIIUM glabrum. GYNOSTEMUM rectum. ANTHERA terminalis. CAPSULA desideratur.